

Samstarfssamningur

Háskóla Íslands og Heilsugæslu höfuðborgarsvæðisins

um kennslu og rannsóknir

í heilbrigðisvísindagreinum

1 Inngangur

1.1 Aðilar

Aðilar samnings þessa eru Háskóli Íslands (HÍ), kt. 600169-2039, annars vegar og Heilsugæslan á höfuðborgarsvæðinu (HH) kt. 521005-0760, hins vegar. Samninginn gera aðilar vegna háskóladeilda og einstakra heilsugæslustöðva, samkvæmt stjórn-skipulagi hvors aðila um sig. Í samningnum er háskólahlutverk heilsugæslustöðvanna skilgreint og samstarf Heilsugæslu höfuðborgarsvæðisins og Heilbrigðisvísindasviðs Háskóla Íslands formfest.

Aðrar heilsugæslustöðvar geta gerst aðilar að þessum samningi með samþykki beggja: Háskóla Íslands og Heilsugæslu höfuðborgarsvæðisins. Gilda þá öll almenn ákvæði samningsins um samskipti HÍ við viðkomandi heilsugæslustöð, nema sérstaklega sé kveðið á um annað.

1.2 Staðfesting

Samningurinn tekur gildi er hann hefur hlotið samþykki háskólaráðs og yfirstjórnar Heilsugæslu höfuðborgarsvæðisins.

1.3 Samstarfsnefnd

Í samstarfsnefnd um málefni samningsins og samskipti samningsaðila sitja sex einstaklingar skipaðir til þriggja ára í senn. Þrír eru skipaðir af háskólaráði og þrír af yfirstjórn Heilsugæslu höfuðborgarsvæðisins. Hlutverk samstarfsnefndarinnar er:

- Að sjá um framkvæmd samningsins og undirsamninga er honum tengjast og gera áætlanir um framkvæmdaatriði þeirra. Áætlanir um fjölda námsplássá og skiptingu á heilsugæslustöðvar, stundafjölda í klínísku námi og nauðsynlegt vinnumagn starfsfólks heilsugæslunnar við kennslu, skulu liggja fyrir í maí ár hvert fyrir næsta háskólaár. Áætlanir skulu gerðar í samráði við viðkomandi stjórnanda kennslu innan heilsugæslustofnananna. Breytingar á nemendafjölda og námsframboði skulu háðar einróma samþykki samstarfsnefndar.
- Að fjalla um og áætla umfang stundakennslu starfsmanna heilsugæslu höfuðborgarsvæðisins við HÍ fyrir komandi háskólaár.
- Að fjalla um sameiginleg málefni, svo sem ný störf sem krefjast akademíks hæfis og breytingar á störfum og starfsaðstöðu sem tengist báðum stofnunum, þar á meðal að gera tillögur til yfirstjórna aðildarstofnana um hvar samhliða störf skv. þessum samningi eru til staðar og tilfærslur á akademískum störfum milli heilsu-

AKJ
IP

vinnu um þróun þeirrar þjónustu sem veitt er og stuðlar að nýsköpun innan heilsugæslunnar, þar á meðal til endurmenntunar starfsfólks.

Samningurinn byggir á lögum og stjórnvaldsfyrirmælum. Verði breytingar á stjórnskipulagi samningsaðila skulu ákvæði samningsins eiga við um nýja eða breytta skipan, nema sérstaklega sé um annað samið.

Samningurinn tekur mið af stefnu háskólans á hverjum tíma, stefnu heilsugæslunnar, og stefnumótun stofnananna í einstökum málaflokkum. Þá tekur samningurinn mið af samningum HÍ við mennta- og menningarmálaráðuneytið um kennslu og rannsóknir og enn fremur samningum við aðrar heilbrigðisstofnanir.

3 Starfsmannamál

3.1 Samhliða störf

Starfstengsl háskólamanna við heilsugæsluna á grundvelli þessa samnings eru fyrst og fremst með tvennu móti:

Annars vegar er háskólamaður ráðinn til starfa innan heilsugæslunnar samhliða háskólastarfinu, eða öfugt, í samhliða starf með gerð sérstaks ráðningarsamnings. Þessi starfstengsl byggjast á því að starfsmaður annarrar stofnunarinnar er ráðinn sérstaklega í starf sem auglýst er og ráðið í af hinni stofnuninni samhliða og að teknu tilliti til starfsins og þess umsækjanda sem í það er ráðinn. Í því tilviki hefur starfsmaðurinn tvo ráðningarsamninga, annars vegar um starfið við HÍ og hins vegar um starfið við heilsugæsluna. Í því tilviki er um að ræða tvo launagreiðendur.

Hvor aðili hefur formlegt forræði á ráðningum til starfa við sína stofnun. Þegar fyrirhugað er að ráða sama einstakling til beggja stofnana í samhliða störf munu aðilar hafa samráð um auglýsingar viðkomandi starfa og heimilt er að skipa sameiginlega valnefnd. Ef af ráðningu verður á þeim forsendum er fjallað um starfstengsl í ráðningarsamningum við báðar stofnanirnar.

3.2 Tengd störf

Hins vegar er starfsmanni veitt tiltekin aðstaða innan hinnar stofnunarinnar – tengd staða – án ráðningarsamnings við hana. Háskólamaður með slík starfstengsl við heilsugæsluna nýtur, á grundvelli samnings sem samstarfsnefndin fjallar um, aðstöðu sem honum er nauðsynleg til þess að geta sinnt kennslu- og rannsóknahlutverki sínu og stjórnun þeirra þátta. Gagnvart heilsugæslunni hefur viðkomandi háskólamaður þær starfsskyldur að taka þátt í uppbyggingu fræðasviðs / fræðigreinar innan heilsugæslunnar.

3.3 Kaup á starfstíma

Þriðju starfstengslin sem þessi samningur tekur til eru kaup annarrar stofnunarinnar á vinnu ákveðins starfsmanns af hinni stofnuninni samkvæmt skriflegu samkomulagi milli stofnananna og með samþykki starfsmannsins. Starfsmaðurinn hefur einungis ráðningasamning við aðra stofnunina og fær laun sín greidd þar.

Um nýráðningu, tengdar stöður, samhliða störf, starfsaðstöðu, starfsskyldur og breytingar á starfsskyldum verður eftir því sem við á beitt reglum nr. 385/2003 um verklag varðandi málefni starfsmanna sem hafa starfsskyldur gagnvart Háskóla Íslands og

KA
14

Landspítala – háskólasjúkrahúsi. Samstarfsnefnd skv. kafla 1.3 í þessum samningi fer þá með hlutverk stýrihóps (áður stefnunefndar) HÍ og LSH samkvæmt framan- greindum reglum.

3.4 Leiðsögn og kennsla í klínísku námi

Klínískt nám fer fram undir leiðsögn og stjórn prófessora, dósentra, lektora og aðjúnta háskóladeilda, en allir akademískt menntaðir starfsmenn innan heilsu- gæslunnar hafa einnig skyldu til þess að sinna leiðsögn og kennslu í samræmi við starf sitt. Aðstöðu til náms þarf stöðugt að þróa en hún byggir m.a. á góðu aðgengi að skjólstæðingum heilsugæslunnar, góðu húsnæði, bóka- og tímaritakosti.

Háskóladeildir (stjórnendur fræðasviða / fræðigreina HÍ) geta í samráði við stjórn- endur innan heilsugæslunnar leitað til starfsmanna heilsugæslunnar og falið þeim að leiðbeina nemendum í klínísku námi á viðkomandi heilsugæslustöð. Auk starfa sinna við heilsugæsluna taka þessir starfsmenn þátt í klínískri kennslu með því að leiðbeina nemendum við úrlausn viðfangsefna í samræmi við námslýsingu og/eða óskir við- komandi háskólakennara. Þessi störf lúta verkstjórn þeirra sem stjórna fræðasviðum / fræðigreinum HÍ og starfsmennirnir bera ekki ábyrgð á skipulagi kennslu eða prófum.

3.5 Endurmenntun starfsmanna heilsugæslunnar

Háskóladeildir munu á grundvelli samnings þessa taka þátt í endurmenntun / fræðslu háskólamenntaðra starfsmanna heilsugæslunnar. Skulu deildirnar leitast við að tryggja aðgang heilsugæslustarfsfólks að fjölbreyttu námsframboði og mun heilsugæslan reglulega koma óskum sínum í þeim efnum á framfæri. Samstarfsnefnd skal gera áætlun um framkvæmd þessa samningsákvæðis í tengslum við þróunarstarf innan heilsugæslunnar sbr. lið 4 í lýsingu á háskólahlutverki heilsugæslunnar.

3.6 Tengsl starfsmanna heilsugæslunnar við Háskóla Íslands

Til þess að tryggja markmið þessa samnings um náid og gagnkvæmt samstarf HÍ og heilsugæslunnar, munu heilbrigðisvísindadeildir HÍ, og eftir atvikum aðrar háskóla- deildir, gefa háskólamenntuðu starfsfólki heilsugæslunnar kost á að sækja um mat á akademísku hæfi sínu og akademíska nafnbót, sbr. reglur um viðurkenningu Háskóla Íslands á akademísku hæfi starfsmanna á Landspítala og veitingu akademískrar nafn- ótar, nr. 212/2011. Háskólinn mun árlega tilkynna umsóknarfrest í þessu skyni. Ef nafnbót er veitt fylgja henni tilgreind réttindi og skyldur skv. reglunum. Viðurkenning á akademísku hæfi er tímabundin og gildir ekki lengur en í fimm ár frá útgáfu. Að þeim tíma liðnum getur nafnbótarhafi sótt um endurnýjun nafnbótar. Nafnbótin fellur niður láti nafnbótarhafi af störfum innan Heilsugæslunnar á höfuðborgarsvæðinu. Veiting akademískrar nafnbótar verður ekki lögð að jöfnu við ráðningu í starf há- skólakennara eða sérfræðings við HÍ sbr. 17. gr. laga nr. 85/2008 um opinbera háskóla og III. kafla reglna nr. 569/2009 fyrir Háskóla Íslands.

4 Fræðasvið og fræðigreinar

Samstarf um klínískt nám og önnur atriði þessa samnings fer fram á grundvelli fræða- sviða/fræðigreina, sem eru skipulagslegar einingar í stjórnun kennslu og rannsókna í heilbrigðisvísindagreinum Háskóla Íslands.

Handwritten initials: "KJ" and "IP" with a flourish.

Á vefsíðu Háskóla Íslands koma fram skilgreiningar á fræðasviðum og fræðigreinum í heilbrigðisvísindum innan HÍ. Auk læknisfræði, hjúkrunarfræði og ljósmóðurfræði er gert ráð fyrir að samstarfssamningurinn geti tekið til tannlæknisfræði, sjúkraþjálfunar, klínískrar sálfræði, næringarfræði, lyfjafræði, félagsfræði (félagsráðgjöf) og fleiri greina eftir því sem við getur átt.

5 Nemendur

Við upphaf klínísks náms á heilsugæslustöð skal kynnt fyrir hverjum nemanda hvaða sameiginlegir skilmálar HÍ og heilsugæslunnar gilda um þátttöku hans í náminu.

Nemendur í heilbrigðisvísindagreinum sem stunda klínískt nám á heilsugæslustöð samkvæmt samningi þessum hafa stöðu sem er sambærileg við stöðu starfsmanna heilsugæslunnar og meðan á náminu stendur njóta þeir tiltekinna réttinda og á sömu kjörum og starfsfólk heilsugæslunnar. Þetta á við um aðgang að mötuneytum ef því er að skipta, afnot af vinnufatnaði, læsanlega fataskápa og afnot af bílastæðum. Nemendur hafa einnig aðgang að bókasöfnum og upplýsingaþjónustu heilsugæslunnar á sama hátt og starfsmenn. Nemendur í heilbrigðisvísindagreinum skulu bera auðkenniskort, undirrita þagnareid, fara í heilbrigðiseftirlit með sama hætti og þeir sem ráðnir eru til starfa innan heilsugæslunnar og uppfylla aðrar hliðstæðar kröfur á sama hátt og starfsmenn.

Nemendur skulu undirgangast bólusetningar og aðrar þær öryggisráðstafanir sem gilda um starfsmenn heilsugæslunnar á hverjum tíma.

Við störf sín í klínísku námi njóta nemendur HÍ sömu tryggingaverndar og starfsmenn heilsugæslunnar, enda vinna þeir á ábyrgð sameiginlegra starfsmanna HÍ og heilsugæslunnar sem samningur þessi tekur til og leiðbeina þeim hverju sinni.

Um samningsbundin réttindi, þar á meðal um ráðningarmál, fer eftir ákvæðum einstakra samninga.

Samningsaðilar eru sammála um að vinna í sameiningu að skipulagningu og útvegum klínískra námstækifæra fyrir nemendur sem koma frá erlendum menntastofnunum og stunda nám tímabundið við háskóladeild án þess að vera þar skráðir stúdentar. Um skipulag samstarfsins skal samið hverju sinni.

6 Rekstur og fjárhagsleg samskipti

Samkvæmt gildandi fyrirkomulagi er kostnaður vegna hins klíníska hluta náms í heilbrigðisvísindagreinum ekki innifalinn í reiknilíkani Háskóla Íslands og mennta- og menningarmálaráðuneytis um fjármögnun háskólakennslu. Háskóli Íslands fær því ekki fjárveitingar vegna klínískrar kennslu. Heilsugæsla höfuðborgarsvæðisins hefur ekki heldur fengið skilgreindar fjárveitingar til þessarar starfsemi. Rekstur heilsugæslunnar er að mestu leyti fjármagnaður með fjárveitingum veittum með fjárlögum Alþingis en að hluta með innheimtu þjónustugjalda. Innan heilsugæslunnar hefur klínísk kennsla og akademísk starfsemi verið stunduð um árabíl og fer vaxandi án þess að nægar fjárhagslegar forsendur hafi verið fyrir hendi.

Samningsaðilar eru sammála um að fjárhagsleg samskipti um störf og verkefni sem samningurinn gerir ráð fyrir verði milli stofnananna beint en snúi ekki að einstökum starfsmönnum. Ekki er því um að ræða greiðslur HÍ vegna klínískrar kennslu til ein-

KA 58
1P

stakra starfsmanna heilsugæslunnar, annarra en þeirra sem hafa fastan ráðningarsamning við háskólann. Við gerð þessa samnings greiðir Heilbrigðisvísindasvið HÍ Heilsugæslu höfuðborgarsvæðisins 5.8 m.kr. vegna ársins 2013, sem breytist ár hvert á samningstíma miðað við breytingar á kjarasamningum lækna. Háskólinn greiðir starfsmönnum heilsugæslunnar beint fyrir stundakennslu, aðra en klíníska kennslu. Heilsugæslan mun leitast við að veita starfsmönnum sínum, sem hug hafa á að taka að sér slíka kennslu, svigrúm til að sinna kennslunni á vinnutíma heilsugæslunnar. Um umfangsmikla slíka vinnu gerir heilsugæslan sérstaklega samning við viðkomandi starfsmann.

Að því marki sem ekki er um annað samið greiðir hvor aðili um sig sinn kostnað af framkvæmd samningsins eða framkvæmd einstakra verkefna. Samið skal fyrir fram um skiptingu kostnaðar vegna aðkeyptrar þjónustu eða annan sérstakan kostnað sem samningsaðilar þurfa að leggja í og telst ekki vera hluti af almennum daglegum rekstri samningsaðila.

Samningsaðilar eru sammála um að leggja mat á eðlilegan kostnað heilsugæslunnar vegna klínískrar kennslu nemenda í heilbrigðisvísindagreinum HÍ og annarrar akademískrar starfsemi, m.a. með samanburði við háskóla- og kennslusjúkrahús.

Þá eru samningsaðilar sammála um að móta reiknilíkan sem tekur til klínískrar kennslu og akademískrar starfsemi innan heilsugæslunnar og óska eftir því við velferðarráðuneytið og önnur ráðuneyti að slíkt reiknilíkan verði tekið upp sem fyrst og fjármagni veitt á grundvelli þess til að standa straum af þessum verkefnum.

Samningsaðilar munu vinna að því sameiginlega að fjölga samhliða störfum við stofnanirnar, sbr. grein 3.1.

7 Vísindarannsóknir og þróunarverkefni

Aðilar munu vinna að sameiginlegri stefnumótun um vísindi og rannsóknastörf sem tengjast markmiðum þessa samnings, með það í huga að efla akademískt rannsókn- og vísindastarf og styrkja þjónustuhlutverk heilsugæslunnar. Sérstaklega verður tekið mið af stefnu HÍ og í þágu rannsóknafrelsis skal eftir föngum tryggja greiðan aðgang að rannsóknviðfangsefnum og heilsufarsupplýsingum í þágu skilgreindra rannsóknaverkefna starfsmanna HÍ og heilsugæslunnar.

Þá munu samningsaðilar vinna að eflingu þverfaglegra rannsókna og kennslu í heilbrigðisvísindagreinum og leitast við að efla rannsóknasamstarf við aðra aðila innan og utan lands.

Samstarfsnefndin hefur sett reglur um samvinnu við vísindarannsóknir og þróunarverkefni. Þar er lýst skilyrðum um aðgang að heilsufarsupplýsingum og skjólstæðingum heilsugæslunnar og þeim formlegu leiðum sem beiðnir um rannsóknarverkefni þurfa að fara eftir.

Þeir rannsóknættir sem snúa að sameiginlegri stefnumótun eru m.a. eftirfarandi:

- Grunnrannsóknir.
- Faraldsfræðilegar rannsóknir á skjólstæðingum og sjúkragögnum.
- Hagnýtar klínískar rannsóknir.
- Þróunarverkefni.
- Forvarnarannsóknir.

Handwritten initials and date: "27/10" and "LP".

Samningsaðilar munu hafa með sér samstarf um alla þessa þætti og leggja áherslu á að veita starfsmönnum aðstoð og hvetja þá í rannsóknastarfi. Jafnframt munu aðilar efla eftir föngum rannsóknasjóði sem styrkja heilbrigðisvísindi.


Samningsaðilar munu vinna að öðrum viðfangsefnum samkvæmt nánari ákvörðun samstarfsnefndar.


Reykjavík 7. febrúar 2014

f.h. Háskóla Íslands


f.h. Heilsugæslu höfuðborgarsvæðisins


Kristín Ingólfssdóttir rektor


Svanhvít Jakobsdóttir forstjóri


Inga Þórsdóttir, forseti
Heilbrigðisvísindasviðs

Vottar:


Þórunn Kristján